



14. oktober 2024

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga apeqquteqaateqarpunga.

Naalackersuisunut apeqquteqaatit:

- 1. Naalackersuisut ilisimasaqarnerpat suliffeqarfinni pisortanit pigineqartuni, politikkerit eqeersimaartut pisortatut atorfinnut atorfinnissaannut naallerarneqartunit?**
 - a. Tassunga Naalackersuisut qanoq isumaqarpat?
 - b. Naalackersuisut isumaqarpat, naligiissitaanermut aamma assigiinngisitsinnginnermut inatsit unioqqutinneqartoq, suliffeqarsimassappat, allaganngorlugit malittarisassaqtunik, politikkerit eqeersimaartut pisortatut atorfinnik ingerlatsisinnaangitsut?
 - i. Taamaassimappat tassunga atasumik suliniutit suut Naalackersuisut aallartinniarpaat?
- 2. Qanoq ililluni inuk, pisortat ingerlataanni pisortatut atorfeqartoq, qinikkatut pisortanillu toqqakkatut sulingikkallarnermut malittarisassanit illersorneqarsinnaava¹, pineqartoq Inatsisartunut imaluunniit kommunalbestyrelsimut qinerneqarluni iserpat?**
- 3. Naalackersuisut ilisimasaqarpat, ukiuni kingullerni qulini politikkerinik eqeersimaartunik, atorfinitsinneqarnerminni kingunerlutsitsisunik politikikkut atuunnermik malitsigisaanik?**
 - a. Taamaassimappat Naalackersuisut piumaffigineqarput suliat ataasiakkaarlugit nassuiaqqullugit aqqi isertuullugit.
- 4. Naalackersuisut suliamut soqutiginaatilinnik allanik paasissutissiisinnaappat?**

(Inatsisartunut ilaasortaq Jens-Frederik Nielsen, Demokraatit)

Tunngavilersuut

2025-imi kommunalbestyrelsinut qinersisoqartussaavoq aammalu kingusinnerpaamik 2025-imi, Inatsisartunut qinersisoqartussaalluni. Tassunga atatillugu isumaqarpunga, pingaartuusoq. Innuttaasut politikkerinngornissaminnut pilersaaruteqartut ilisimassagaat, qinigassanngortinnermik innuttaasut suliffimminnut kinguneqarsinnaaneri.

Qinikkatut pisortanillu toqqakkatut sulingikkallarnermut malittarisassat ersarikkaluarput, naliginnaasumik aningaasarsiortunut tunngatillugu, kisiannili pisortatut atorfeqaraanni suut pisinnaatitaaffiuppat? Isumaqarpunga tamanna ersarluttoq. Isumaqarpungalu, pingaaruteqartoq qinersisoqannginnerani paasilluarnissaa.

¹ Namminersorlutik Oqartussat Qinikkatut Pisortanillu Toqqakkatut suliaqarneq il. il. pillugu nalunaarutaat



DEMOKRAATIT
DEMOKRATERNE

Apequteqaatima ullut suliffiusut qulit iluanni akineqarnissaat qilanaaraara.